

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ministarstvo trgovine, turizma i saobraćaja
Kantonalna direkcija robnih rezervi**

Broj: 05-1/1-11-2453-1/22
Tuzla, 17.02.2022. godine

PREDMET: Poziv za dostavljanje ponuda za javnu nabavku usluga iz Aneksa II dio B) Zakona o javnim nabavkama koje se odnose na nabavku usluge kvalitativnog i kvantitativnog skladištenja i znavljanja mesnih konzervi u količini 350.000 komada

Poštovani,

U ime Kantonalne direkcije robnih rezervi, kao ugovornog organa, pozivamo Vas da dostavite ponudu za nabavku usluga skladištenja i znavljanja 350.000 komada mesnih konzervi.

Procedura javne nabavke će se obaviti u skladu sa članom 8. Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14) i Pravilnika o postupku dodjele ugovora o uslugama iz Aneksa II dio B) Zakona o javnim nabavkama Bosne i Hercegovine („Službeni glasnik Bosne i Hercegovine“, broj 66/16).

OPŠTI PODACI

Kantonalna direkcija robnih rezervi, ul. Mije Keroševića 20, Tuzla
ID broj: 4209419950018
Tel: 035/266-337
Fax: 035/266-339
E-mail: kdrtrk@yahoo.com
Kontakt osoba: Elsada Tinjić

Predmet nabavke su usluge skladištenja i znavljanja 350.000 mesnih konzervi

JR/JN 63120000-6 usluge skladištenja i čuvanja.

Predmetna nabavka je sadržana u Planu nabavki Kantonalne direkcije robnih rezervi broj: 05-1/1-11-1021-2/22 od 09.02.2022. godine, pod rednim brojem 5.

Procijenjena vrijednost nabavke iznosi 41.025,60 KM bez PDV-a.

Tehnička specifikacija za izvršenje predmetne usluge je sastavni dio ovog poziva – **prilog broj 2.**

Period na koji se zaključuje ugovor je 4 (četiri) godine, od dana zaključivanja ugovora.

Kriterij za izbor ponude, u skladu sa članom 64. Zakona o javnim nabavkama, je najniža cijena.

Mjesto izvršenja usluge je Tuzlanski kanton.

Uslovi i zahtjevi koje ponuđač treba ispuniti:

1. U skladu sa članom 45. Zakona o javnim nabavkama, ponuda ili zahtjev za učešće će se odbaciti ako:

- a) je kandidatu/ponuđaču izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- b) je ponuđač pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji i u kojoj je registrovan;
- c) ponuđač nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u BiH ili propisima zemlje u kojoj je registrovan;
- d) ponuđač nije ispunio obaveze u vezi sa plaćanjem direktnih i indirektnih poreza, u skladu sa važećim propisima u BiH ili zemlje u kojoj je registrovan.

Potrebni dokazi o ispunjavanju navedenih uslova iz člana 45 ZJN:

- a) Uvjerenje Suda BiH i Uvjerenje Suda prema sjedištu ponuđača, kojim se dokazuje da kandidatu/ponuđaču nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- b) Uvjerenje nadležnog suda ili organa uprave kod kojeg je registrovan kandidat/ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- c) Uvjerenje nadležnih institucija kojim se potvrđuje da je kandidat/ponuđač izmirio dospjele obaveze, a koje se odnose na doprinose za penziono i invalidsko osiguranje i zdravstveno osiguranje;
- d) Uvjerenja nadležnih institucija da je kandidat/ponuđač izmirio dospjele obaveze u vezi s plaćanjem direktnih i indirektnih poreza.

Za tačke c) i d) prihvata se i sporazum ponuđača sa nadležnim poreskim institucijama o reprogramiranom, odnosno odgođenom plaćanju obaveza ponuđača po osnovu poreza i doprinosa i indirektnih poreza, uz potvrdu poreskih organa da ponuđač u predviđenoj dinamici izmiruje svoje reprogramirane obaveze.

Dostavljeni dokazi moraju biti originali ili ovjerene kopije i ne mogu biti stariji od tri mjeseca, računajući od dana dostavljanja ponude.

2. U skladu sa članom 46. ZJN BiH, sposobnost za obavljanje profesionalne djelatnosti ponuđači su obavezni dostaviti:
 - aktuelni izvod iz sudskog registra.

Dostavljeni dokaz mora biti original ili ovjerena kopija i ne može biti stariji od tri mjeseca, računajući od dana dostavljanja ponude.

3. U skladu sa članom 47. stav 1. tačke a) i c), Zakona o javnim nabavkama ponuđači su obavezni dostaviti:

- Potvrdu Centralne banke BiH o stanju transakcijskih računa ponuđača kojom se dokazuje da transakcijski računi ponuđača nisu blokirani;

Dostavljeni dokaz mora biti original ili ovjerena kopija i ne može biti stariji od 20 dana, računajući od dana dostavljanja ponude.

- Bilans uspjeha i Bilans stanja za posljednje 2 (dvije) finansijske godine za koje se raspolaže podacima, ili od datuma registracije, odnosno početka poslovanja u predmetnom segmentu, ako je kandidat registrovan, odnosno počeo sa radom prije manje od 2 (dvije) godine, kojim se dokazuje pozitivan finansijski rezultat (bilans uspjeha) i položaj (odnos aktive i pasive), a za državne organe relevantan finansijski izvještaj (račun prihoda i rashoda).

Dostavljeni dokaz može biti obična kopija originala.

4. Ponuđač je dužan uz ponudu dostaviti i posebnu pismenu izjavu (**član 52. ZJN**) da nije nudio miti učestvovao u bilo kakvim radnjama koje za cilj imaju korupciju u predmetnoj javnoj nabavci – **prilog broj 5 - izjava mora biti ovjerena kod nadležnog organa.**

Validnost ponude: 60 dana od dana isteka roka za podnošenje ponude.

Sadržaj ponude – Ponuda treba da sadrži:

- Ime i sjedište ponuđača,
- Popunjen obrazac za dostavljanje ponude – **Prilog broj 1,**
- Popunjen, potpisan i ovjeren obrazac za cijenu ponude – **Prilog broj 2,**
- Potpisanu i ovjerenu Specifikaciju za usluge skladištenja, čuvanja i zadržavanja 350.000 komada mesnih konzervi - **Prilog broj 3,**
- Popunjen, potpisan i ovjeren nacrt ugovora – **Prilog broj 4,**
- Dokazi o ispunjavanju navedenih uslova iz člana 45. ZJN BiH (tačke a), b), c) i d)),
- Dokaz o ispunjavanju uslova u skladu sa članom 46. ZJN BiH,
- Dokaz o ispunjavanju uslova u skladu sa članom 47. ZJN BiH (tačke a) i c)),
- Izjavu iz člana 52. ZJN – **Prilog broj 5, - ovjerena kod nadležnog organa,**
- Povjerljive informacije – **Prilog broj 6,**
- Potpis podnosioca ponude ili ovlaštenog lica na osnovu punomoći koja u tom slučaju mora biti priložena u originalu ili ovjerenoj kopiji,
- Ponuda mora biti ovjerena pečatom podnosioca ponude.

Ponuđačima nije dozvoljeno da dostavljaju alternativne ponude.

Ponude se dostavljaju na sljedeću adresu:

Kantonalna direkcija robnih rezervi, Mije Keroševića 20, 75000 Tuzla.

Ponuda

Ponuda se izrađuje na način da čini cjelinu.

Ponuda se čvrsto uvezuje na način da se onemogući naknadno vađenje ili umetanje listova.

Ponuda mora biti čvrsto uvezana i sve strane ponude numerisane (izuzev dokaza o garanciji za ozbiljnost ponude, te štampane literature, brošura, kataloga i sl.) (Pod čvrstim uvezom podrazumijeva se ponuda ukoričena u knjigu ili ponuda osigurana jamstvenikom).

Stranice ponude se označavaju brojem na način da je vidljiv redni broj stranice. Kad je ponuda izrađena od više dijelova, stranice se označavaju na način da svaki slijedeći dio započinje rednim brojem kojim se nastavlja redni broj stranice kojim završava predhodni dio.

Ponuđač dostavlja ponudu u originalu u neprovidnoj koverti, sa pečatom ili potpisom ponuđača, imenom i adresom ponuđača, na kojoj će stajati:

Ponuda za usluge skladištenja i zadržavanja 350.000 komada mesnih konzervi (ne otvarati do 07.03.2022. godine u 09:30 sati).

1. Rok za dostavljanje ponuda

Rok za dostavljanje ponuda ističe 07.03.2022. godine do 09:00 sati. Ponude koje su dostavljene po isteku ovog roka će biti vraćene ponuđaču neotvorene.

2. Mjesto, datum i vrijeme otvaranja ponuda

Otvaranje ponuda obaviti će se dana **07.03.2022. godine u 09:30 sati**, u prostorijama Kantonalne direkcije robnih rezervi.



DIREKTOR

Almir Žilić, dipl. ecc.

OBRAZAC ZA PONUDU

Broj nabavke: Plan nabavki za 2022. godinu broj: 05-1/1-11-1021-2/22 od 09.02.2022. godine, pod rednim brojem 5.

UGOVORNI ORGAN
KANTONALNA DIREKCIJA ROBNIH REZERV
Ul. Mije Keroševića 20
75000 Tuzla

PONUĐAČ

Naziv ponuđača, ID broj i adresa

KONTAKT OSOBA (za konkretnu ponudu)

Ime i prezime	
Adresa	
Telefon	
Faks	
E-mail	

Potpis i pečat ponuđača _____

OBRAZAC ZA CIJENU PONUDE – USLUGE

Naziv i sjedište ponuđača: _____

R. br.	Usluga	Cijena u KM bez PDV-a	Iznos PDV-a u KM	Cijena u KM sa PDV-om
1.	Usluga skladištenja i znavljanja mesnih konzervi za 350.000 kom./dnevno			
2.	Usluga skladištenja i znavljanja mesnih konzervi za 350.000 kom./godišnje			
3.	Usluga skladištenja i znavljanja mesnih konzervi za 350.000 kom za 4 godine			

Potpis i pečat ponuđača _____

Napomena:

1. Cijene moraju biti izražene u KM. Za svaku stavku u ponudi mora se navesti cijena.
2. Ponuđač se obavezuje da mjesečni iznos fakture bazira na broju dana u mjesecu za koji se vrši fakturisanje predmetne usluge.
3. Ugovorni organ ne smije imati nikakve dodatne troškove osim onih koji su navedeni u ovom obrascu.
4. U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama.
5. Jedinična cijena stavke se ne smatra računskom greškom, odnosno ne može se ispravljati.

SPECIFIKACIJA
Skladištenje i znavljanje 350.000 komada mesnih konzervi

1. Usluga obuhvata: Kvantitativno i kvalitativno prihvatanje, skladištenje i znavljanje mesnih konzervi.
2. Količina mesnih konzervi iznosi 350.000 komada.
3. Posjedovanje slobodnih (nepopunjenih) skladišnih kapaciteta za skladištenje navedene količine mesnih konzervi.
4. Znavljanje navedene količine mesnih konzervi za vrijeme trajanja ugovora.
5. Ispunjavanje minimalnih tehničkih uslova za skladištenje.
6. Mesne konzerve pakovane su u kutijama po paletama.
7. Period na koji se zaključuje ugovor je 4 godine.
8. Izvršitelj usluge/skladištar je dužan kod potpisa ugovora predati Kantonalnoj direkciji robnih rezervi garanciju banke ili dvije uredno popunjene i ovjerene bianco potpisane mjenice sa mjeničnim izjavama, ovjerenim kod javnog bilježnika – notara, kao sredstavo osiguranja za vrijednost preuzetih mesnih konzervi.
9. Po Zakonu o robnim rezervama Tuzlanskog kantona („Službene novine Tuzlanskog kantona“, br. 4/16 i 14/19) prilikom zaključivanja i potpisivanja Ugovora o skladištenju i znavljanju mesnih konzervi skladištar je dužan osigurati bankovnu garanciju u visini vrijednosti mesnih konzervi koja se skladišti i potvrdu o solventnosti, ne stariju od 30 dana ili mjenice potpisane i ovjerene pečatom, akceptirane, sa klauzulom „bez protesta“ i notarski ovjerenu mjeničnu izjavu u visini vrijednosti mesnih konzervi koje se skladište i potvrdu o solventnosti, ne stariju od 30 dana.
10. Skladištar u svakom trenutku mora osigurati uvjete za nadzor mesnih konzervi službenicima Kantonalne direkcije robnih rezervi i drugim ovlaštenim osobama.

Potpis i pečat ponuđača _____

Kantonalna direkcija robnih rezervi, Mije Keroševića 20, 75000 Tuzla, ID broj: 4209419950018, koju zastupa direktor Almir Žilić, dipl. ecc. (u daljnjem tekstu: Korisnik skladištenja)

i

_____, ID broj: _____ i
PDV broj: _____, koga zastupa direktor _____, (u
daljnjem tekstu: Skladištar)

zaključili su:

**Ugovor
o kvalitativnom i kvantitativnom skladištenju i znavljanju 350.000 komada mesnih konzervi**

Član 1.

Predmet Ugovora je kvalitativno i kvantitativno skladištenje i znavljanje 350.000 komada mesnih konzervi.

Kvalitet i ostale bitne osobine mesnih konzervi iz predmeta ovog Ugovora su u skladu sa važećim Zakonom o hrani („Službeni glasnik BiH“, broj 50/04), Zakonom o zdravstvenoj ispravnosti životnih namirnica i predmeta opšte upotrebe („Sl. list RBiH“, br. 2/92 i 13/94) i Pravilnikom o mikrobiološkim kriterijima za hranu („Službeni glasnik BiH“, broj 11/13).

Član 2.

Obaveza Skladištara je preuzimanje predmetne količine mesnih konzervi u skladu sa Specifikacijom (Prilog broj 3), skladištenje i znavljanje.

Skladištar se obavezuje da će mesne konzerve prihvatiti i uskladištiti u odgovarajućem skladišnom prostoru, prema specifikaciji za vršenje usluge skladištenja i znavljanja mesnih konzervi, i čuvati s pažnjom dobrog privrednika, uz zadržavanje kvaliteta koji je preciziran u članu 2. ovog Ugovora.

Član 3.

Nakon izvršenog uskladištenja merkantilne mesnih konzervi iz predmeta Ugovora Skladištar je dužan dostaviti Korisniku skladištenja ovjerenu, originalnu skladišnu primku za kompletnu količinu. Sastavni dio ovog Ugovora je Potvrda o uskladištenju koja će biti napisana poslije uskladištenja kompletne količine, sastavljena u 2 (dva) primjerka od kojih svaka ugovorna strana zadržava po jedan primjerak.

Član 4.

Cijena usluge skladištenja i znavljanja mesnih konzervi iz predmeta ovog Ugovora prema odredbama iz člana 1. ovog Ugovora iznosi _____ KM za 350.000 komada dnevno, bez uračunatog PDV-a, što sa uračunatim PDV-om iznosi _____ KM za 350.000 komada dnevno. Cijena usluge skladištenja i

zanavljanja za 1 (jednu) godinu količine od 350.000 komada iznosi _____ KM bez uračunatog PDV-a, a sa uračunatim PDV-om iznosi _____ KM za 350.000 komada.
Ukupna vrijednost Ugovora za izvršenje predmetne usluge za ukupnu količinu od 350.000 komada za cijeli ugovoreni period od 4 godine iznosi _____ KM, bez uračunatog PDV-a, a sa uračunatim PDV-om iznosi _____ KM za 350.000 komada, sve prema priloženom obrascu (prilog broj 2) iz dostavljene ponude, po posebnom postupku nabavke prema Aneks II dio B ZJN.

Fakturisanje usluge skladištenja i obnavljanja će se vršiti od dana preuzimanja, odnosno uskladištenja kompletne količine mesnih konzervi.

Fakturisanje usluge će se vršiti do 5-og, a plaćanje do 20-og u narednom mjesecu.

Član 5.

Skladištar u potpunosti i bez rezerve odgovara Korisniku uskladištenja za kvalitet i kvantitet uskladištene mesnih konzervi u skladu sa važećim propisima.

Skladištar je dužan blagovremeno i uz pismenu saglasnost Korisnika uskladištenja, obnoviti ukupnu količinu uskladištene mesnih konzervi iz predmeta ovog Ugovora zamjenom za istu količinu, istog kvaliteta, a u skladu sa Zakonom o robnim rezervama Tuzlanskog kantona („Službene novine Tuzlanskog kantona“, br. 4/16 i 14/19).

Član 6.

Nakon izvršene zamjene radi zanavljanja Skladištar je dužan pismenim putem obavijestiti Korisnika skladištenja, uz obezbjeđenje relevantne dokumentacije o količini i kvalitetu zanovljene mesnih konzervi i kojim se dokazuje da je zamjena radi zanavljanja izvršena.

Član 7.

Gubici u količini nastali tokom skladištenja priznaju se Skladištaru u skladu sa Uredbom o priznavanju kala, kvara, rastura i loma robe („Službene novine Tuzlanskog kantona“, broj 12/19).

Član 8.

Skladištar se obavezuje da prema pismenim nalogima Korisnika skladištenja vrši isporuku mesnih konzervi. Prilikom otpreme mesnih konzervi Skladištar je dužan izdati uredno popunjenu i ovjerenu skladišnu otpremnicu i odmah dostaviti Korisniku uskladištenja.

Skladištar je dužan pri otpremi poduzeti sve mjere kojima se štite interesi Korisnika uskladištenja, kao isporučioaca (pravovremeno organizovanje, izvršavanje otpreme i uredno izdavanje dokumenata kojima se dokazuje da je isporuka uredno izvršena).

Član 9.

Skladištar će osobama ovlaštenim od strane Korisnika skladištenja omogućiti uvid u odgovarajuću dokumentaciju, te kontrolu kvalitete i kvantitete mesnih konzervi.

Član 10.

Skladištar se obavezuje da uskladištene mesne konzerve evidentira u svojim poslovnim knjigama kao robu u vlasništvu Korisnika uskladištenja (tuda roba u vlastitom skladištu).

Pored uobičajene skladišne evidencije o stanju mesnih konzervi, Skladištar je dužan voditi zasebne skladišne kartice i na istim evidentirati odgovarajuće promjene.

Član 11.

Skladištar i Korisnik uskladištenja će svake godine vršiti komisijski popis uskladištene robe, na dan 31. decembar.

Popis će vršiti komisija koju će činiti dva predstavnika Korisnika uskladištenja i jedan predstavnik Skladištara.

Popis će se provoditi na popisnim listama Skladištara.

Dva primjerka popisne liste Skladištar je dužan predati Korisniku uskladištenja nakon završenog popisa.

Vanredni popis po nalogu Korisnika uskladištenja, a kada se za to steknu uslovi, provodi komisija koju koju imenuje Korisnik uskladištenja.

Član 12.

Skladištar se obavezuje na zaštitu podataka koji se odnose na uskladištene mesne konzerve.

Skladištar se obavezuje ispuniti uslove koji se tiču sigurnosti u skladištu u skladu sa Zakonom o zaštiti ljudi i imovine („Službene novine Federacije Bosne i Hercegovine“, br. 52/02 i 78/08) i o istom obavijestiti Korisnika skladištenja u roku od 7 dana od dana potpisivanja ugovora.

Skladištar se obavezuje da bez odlaganja obavijesti Korisnika skladištenja o promjeni naziva firme, vlasničke strukture, oblika organizovanja, osobe ovlaštene za zastupanje, otvaranju stečajnog ili likvidacionog postupka nad imovinom društva kao i drugim bitnim elementima, vezano za poslovanje skladištara.

Član 13.

U svrhu osiguranja robe Skladištar je obavezan Korisniku uskladištenja dostaviti sljedeće dokumente:

- a) garanciju banke u visini vrijednosti mesnih konzervi koja se skladišti i potvrdu o solventnosti, ne stariju od 30 dana ili
- b) mjenice potpisane i ovjerene pečatom, akceptirane, sa klauzulom „bez protesta“ i notarski ovjerenu mjeničnu izjavu u visini mesnih konzervi koja se skladišti i potvrdu o solventnosti, ne stariju od 30 dana.

Član 14.

Skladištar ne može bez odobrenja Korisnika uskladištenja raspolagati mesnim konzervama.

Član 15.

Ovaj Ugovor se zaključuje na period od 4 godine.

Član 16.

Ugovorne strane saglasne su da se Ugovor može raskinuti na pismeni zahtjev bilo koje ugovorne strane, a zbog eventualno nastalih nepredivih objektivnih okolnosti, te da je otkazni rok 90 dana računajući od datuma podnošenja zahtjeva za raskid. Ugovorna strana na čiji zahtjev je Ugovor raskinut dužna je drugoj strani omogućiti izvršavanje svih do tada preuzetih obaveza nastalih izvršavanjem ovog Ugovora.

Skladištar je, u slučaju raskida Ugovora na svoj zahtjev, dužan osigurati kompletnu količinu mesnih konzervi uz osiguranje i snošenje troškova prijevoza mesnih konzervi na lokalitet koji odredi Korisnik uskladištenja.

Član 17.

Ovaj Ugovor stupa na snagu danom obostranog potpisivanja.

Član 18.

Ukoliko u realizaciji ovog Ugovora dođe do eventualnih sporova, ugovorne strane će nastojati sve nastale sporove rješavati prvenstveno dogovorom, a ukoliko takvo rješenje nije moguće, za rješavanje nastalih sporova nadležan je Sud u Tuzli.

Član 19.

Ovaj Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

KORISNIK USKLADIŠTENJA

Almir Žilić, direktor

SKLADIŠTAR

Broj: _____
Tuzla, _____

Broj: _____
Tuzla, _____

PISMENA IZJAVA
IZ ČLANA 52. ZAKONA O JAVNIM NABAVKAMA

Ja, niže potpisani _____ (Ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti

(Navesti položaj, naziv privrednog društva ili obrta ili srodne djelatnosti), ID broj: _____, čije sjedište se nalazi u _____ (Grad/Općina), na adresi _____, (Ulica i broj), kao kandidat/ponuđač u postupku javne nabavke _____ (Navesti tačan naziv i vrstu postupka javne nabavke), a kojeg provodi ugovorni organ _____ (Navesti tačan naziv ugovornog organa), za koje je objavljeno obavještenje (ako je objavljeno obavještenje) broj: _____ u „Službenom glasniku BiH“ broj: _____, a u skladu sa članom 52. stav (2) Zakona o javnim nabavkama pod punom materijalnom i krivičnom odgovornošću

IZJAVLJUJEM

1. Nisam ponudio mito ni jednom licu uključenom u proces javne nabavke, u bilo kojoj fazi procesa javne nabavke.
2. Nisam dao, niti obećao dar, ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju obavljanja u okviru službene ovlasti, radnje koje ne bi trebalo da izvrši, ili se suzdržava od vršenja djela koja treba izvršiti on, ili neko ko posreduje pri takvom podmićivanju službenog ili odgovornog lica.
3. Nisam dao ili obećao dar ili neku drugu povlasticu službenom ili odgovornom licu u ugovornom organu uključujući i strano službeno lice ili međunarodnog službenika, u cilju da obavi u okviru svoje službene ovlasti, radnje koje ne bi trebalo da obavlja, ili se suzdržava od obavljanja radnji, koje treba da izvrši.
4. Nisam bio uključen u bilo kakve aktivnosti koje za cilj imaju korupciju u javnim nabavkama.
5. Nisam sudjelovao u bilo kakvoj radnji koja je za cilj imala korupciju u toku postupka javne nabavke.

Davanjem ove Izjave, svjestan sam krivične odgovornosti predviđene za krivična djela primanja i davanja mita i krivična djela protiv službene i druge odgovornosti i dužnosti utvrđene u krivičnim zakonima Federacije Bosne i Hercegovine i krivičnim zakonima Bosne i Hercegovine.

Izjavu dao:

Mjesto i datum izjave:

Potpis i pečat nadležnog organa:

**OBRAZAC ZA POVJERLJIVE INFORMACIJE
POVJERLJIVE INFORMACIJE**

Informacija koja je povjerljiva	Brojevi stranica u ponudi sa povjerljivim informacijama	Pravni osnov i razlozi za povjerljivost informacija u ponudi	Vremenski period u kojem će informacije u ponudi biti povjerljive

Potpis i pečat ponuđača

NAPOMENA:

Ponuđači su dužni popuniti obrazac za povjerljive informacije, odnosno ukoliko smatraju da nema povjerljivih informacija dužni su isto navesti u ovom obrascu. Ukoliko ponuđači određene informacije/podatke iz ponude označavaju povjerljivim, odnosno poslovnom tajnom, dužni su da u ponudi navedu i pravni osnov na temelju kojeg su ti podaci tajni i povjerljivi.

U slučaju paušalnog navođenja da se u ponudi neki podatak/informacija smatra povjerljivim/tajnim, bez naznačavanja pravnog osnova na temelju kojeg su ti podaci povjerljivi i tajni, to neće obvezivati ugovorni organ da iste smatra takvima.